

1 Timoteo

Den hiangi aregât keiŋe.

¹ O galane Timoteo nâmâ Paulo, Anutuŋe âi makmâ hâreniŋepgât Yesu Kristogât laugât Aposolo âi meman. Amâ Anutuŋe heŋgem nengumapŋe akto Yesu Kristoŋe dumnenŋân kilepgât nânŋaŋmâ manmaen yâk lâuwâ lâuwâ âi ire niŋiat.

² Timoteo nanne gâŋgât kulem ire kulemgogiŋdân. Anutu Ewenenŋe akto Kembunenŋe Yesu Kristo yâk yetŋe han kalem âlepŋe akŋiŋmâ damunge akbela biwige sândugeâk.

³ Nâ Makedonia hânân ariwerâm akmâ âmâ makŋiŋân aregât hain akben. Amâ luâk bikŋande hutyeŋân kinmâ den aŋgâ siâ makyenŋiyi yâk makyenŋimenâ hepunbai.

⁴ Yâk bem patŋe kâmotŋe kâmotŋe makmâ gam mali yâk yeŋgât kotyeŋe makmâ maganŋi goanŋi akbiâ âmâ den gulip milip bunŋe bo are miawakto Anutu nânŋaŋmâ hoŋ bawa manmaen are gembo bâlimap.

⁵ Gârâmâ Anutuŋe makmâ hârenengiep are hin akmaen. Han lâuwâ bo akmâ âmâ biwi kau kau akmâ Yesu nânŋaŋmâ manmâ pânân mem kepilâmaengât biwi konok akmaen.

⁶ Dâ luâk bikŋande âmâ den are hâkâŋ akmâ yeŋaet den are makmâ mem maganŋi goanŋi akbiâ bunŋe bo miawakyenŋiep.

⁷ Yâk hain akmâ hin makmai, “Nen Mosegât den kârikne are makyenjenne nângâwai.” dâm âmâ wan me wan ire bunne dâmai den aregât keiŋe bo nângâm heŋgemgoyigât gulip makmâ manmai.

Den kârikne arekne dosanenne mem miawakmap.

⁸ Gârâmâ nenâmâ den kârikne aregât hin nângâmaen. Den kâriknande agak meme âlepne are mem miawakmap aregât den kârikne nângâenne ârândâŋ akmap.

⁹ Den kârikne are luâk dosa bâlâk manmai yâk yengât bo. Anutne âmâ den kârikne hingât kalep. Luâk Anutugât den hâkâŋ akmâ komai me Anutu hamianmâ agak meme bâleŋe akmai me biwi helen olop manmai me ewe memelupyene hilip yengum bugâ yengumai.

¹⁰ Me luâkdâ âmbendâ yengât pat hâremai me luâkneak egâlian bâleŋeâk akmâ bikne meyekmâ puligât kâmbu meyekmai me den hiangimai me Kembugât kotne konmâ âmâ hiangimân makmâ kârigemai. Me siâ me siâ bikne den bunne gasa aganmai yâk yengât âmâ Anutne makto den kârikne arekne bâleŋe yeŋe mem miawakyeŋgimap.

¹¹ Akto den bunne gasa aganmai amâ den bunne are amâ Anutu manman âlepgât amboŋe yâkne den pagaleŋe olowâk niŋep arekne hain makmâ miawaktâp.

Yesuŋe Paulo dosane hepunaŋmâ âi âlepne wanep.

¹² Kârikne niŋmâ mem kârikne ketugunegep Kambu nenŋe Kristo Yesu yâk mepaimne meman.

Yâkñe nângâniñdo ârândân akto tân nugum âi ire niñep.

¹³ Gârâmâ nâ ulikñân Yesugât nângâre gembo yâk makmâ gasa agañmâ luâklupñe gasa akyengire hanâk dâm nâ Kembangât keñe pâpkom manmâ bonângañmâ malângât han kalem akniñmâ okot nângâniñmâ yai nuguep.

¹⁴ Yai nugum han kalemñe nângâlân lugumbo pikto Kristo Yesu nângañmâ okot âlep agañbiangât kârikñe niñep.

¹⁵ Den ire bunñe akmâ sambelem ariâk. Arimbo ârândân akbiâp. Yesu Kristo amâ nen bâleñe akmâ hâkñe hâkñe akmaen nen heñgem nenguwiapgât giep. Akto hâkñe hâkñe akmaen nengât âgâ âgâñe amâ nâ ire.

¹⁶ Gârâmâ Yesu Kristoñe yai nugum han kalem umatñe niñep, a yân bo. Nâ bâleñe meme luâk yeñgât kautyeñe nâ han kalem niñdo luâk beirâ are ekmâ nângâm amâ Yesu Kristo nângañmâ kepilâmbiâ manman kârikñe yeñgiwiapgât hain akniñep.

¹⁷ Manman kârikñaet Kembu humo bo mombiap akto bo ekmaen Anutu konok yâkgât kot pat egâlian pagaleñe are yem âgâwiâp kârikñe. A bundâk.

Timoteo âigât bugâ mem kârikñe akmâ manbiapgât magep.

¹⁸ Timoteo nanne gâ hain akniñmat gângât den umatñe hin makmâ giñân. Gâ den ire mem manmâ âmâ luâk bikñande gâ wan akbiatgât den guguyi den arekñe kârikñe giñdo âigât bugâ mem kârikñe akmâ manben.

¹⁹ Hain akmâ manmâ Kristo nânğanjengât hainâk nânğanmenâ han biwige kau kau akmâ tatginmâ âgâwiâp. Dâ luâk bikñande han kau kau manman dâp are hamianjigât Yesu nânğanbiâ nânğâ nânğâ yeñe tatyengiep are hulañ akto bâliyi.

²⁰ Yâk yeñgâlân gâtñe luâk siâ Himenaio akto siâ Alesande yâk lâuwâ are Hiangi Amboñande hâk hilâlâm yetkimbo Anutugât kotñe hâkâñ akmandat aregât agak meme are hepuletgât yâkgâlân katyelegân.

2

Yesugât kâmotlupñande ulilanbaigât den.

¹ Galane, nâ den ire nânğare umatñe akmapgât makginbe. Kâmotlupñande Anutu ulilanberâm âmâ hin akbei. Hokboâk hokboâk Anutugât nânğanbiâ ârândân akmapgât mepaimñe membei. Akto luâk âmbâle hârok yâk Anutuñe tânyenğuâkgât ulilanbei.

² Luâk kembu, kiap, gawaman hârok tânyenğuâkgât ulilanbei. Aregât luâk humomolupnennande damun nenñe akbiâ âmâ âlepñe lumbe kakñân manmâ Anutugât lau lokoennje biwinenñe sândugembo luâk bikñande nânğâ nengimbiâ âgâwiâp.

³ Are amâ âlepñe akbiap. Akto Anutu henngem nengumap yâkñe are nânğâmbo ârândân akmap.

⁴ Anutuñe âmâ luâk hârokñe den bunñe nânğâmbiâ henngemgo yekbiapgât egâlianmap.

⁵ Anutu konok manmap. Akto Anutu akto luâk hut nenñân mendugu nenekbiapgât luâk konok kindâp, Yesu Kristo yâk luâk agep mannengiâp.

6 Yâkne manmanje bo gangerâm âmâ nen hârokgât sumbe nenje agep. Aregât patje amâ sopnân miawagep.

7 Aregât Anutuje nâ pat aregât kei je makmâ miawakyenjiwiangât Aposologât âi niņep. Âi niņmâ Yuda luâk bo manmai den bunje nânğanbaigât makmâ hâreniņep. Den are bo hianjim âmâ bundâk maktân.

8 Galane, hingât nânğare humo aktâp. Kepianje kepianje hânje hânje gasa bo agaņjim âmâ bâtyeje mem agatmâ Anutu ulilanbei.

9 Dâ âmbâi yengât hin maktân. Yâkne hâk peke egâlianje olop bo luguakmâ âmâ yeņaet nânğambiâ gembo kânğom manbei. Dâ kautyeje dumutje kulem melem dondâ me donet me hâk peke puli je âgâje are bo mem manbai.

10 Gârâmâ hin mem manbei. Âmbâle nen Kristogât kâmot manmaen dâmai je âi âlepje membiâ ârândân akbiâp.

11 Âmbâleje luâk yengât amuk yeņân manmâ kânğom ondop katmâ nânğâ nânğâ âi membei.

12 Âmbâle siâje Kristogât kei je hekat yeņgiwerâm akbiap arekne luâk ewangi yekmâ kinbiâp dâm aregât nânğare bo ârândân aktâp. Aregât hain bo akbiâp. Yâk yân kânğom yoņâk manbiâp.

13 Amâ Anutu je Adam âmâ uliknân mem miawagep. Dâ âmbenje Ewa amâ yâkgât hamiņân mem miawagep.

14 Akto Adamje Hiangi Amboņaet den bo nânğâep. Âmbenņande âmâ Hiangi Amboņaet

den nângâm Anutugât lau kondo lau koko are miawaganjep.

¹⁵ Dâ âmbâle âmâ Kristo nânganmâ han kalem olop manmâ han kau kau manmâ yenjaet nângâmbiâ gembo âmâ nanan membai amâ Anutuņe heņgemgo yekbiap.

3

Yesugât kâmot damunlupyenjaet den.

¹ Luâk siâņe nâ Kristogât kâmot damunyenje akbiangât âi membe dâwiap amâ are nângâenņe ârândâņ akmap.

² Gârâmâ Kristogât kâmotgât damunnenņe luâk are âmâ hin akbiâp. Dosa bâlâk manmâ âmbâle konok olop manbiâp. Akto han biwiņe damunņe akbiâp. Akto akmâ hilipko hilipko bâlâk âlepņe manbiâp. Akto lombo togombiâ dowâk tânyenģuwiâp. Akto luâk âmbâle Kristogât keiņe makyenģimbo nângâmbiâ ârândâņ akbiâp.

³ Waiņ tuņe dondâ bo nembiaâp. Bugâ koko bo akmâ âmâ lumbenje akto yeukņe akbiâp. Akto kâmotlupņe potalakņetgât bo makbiâp. Akto puli sikumgât bo makmâ tâgâi akbiâp.

⁴ Ikiņe ģinbailupņe damunyenje akto ârândâņ akbiâp. Akto nan baratlupņe makmâ miwindiyekto lau lokom nânganģbiâ ârândâņ akbiâp.

⁵ Dâ yâk ģinbailupņe ârândâņ bo damunyenje akbiap âmâ yâkņe ģain ģain akmâ Anutugât kâmot damunyenje akbop?

⁶ Akto siâņe hinņeâk Yesugâlân han biwi katmâ manbiapņe amâ dâtņe memegât âi bo membiâp. Gârâmâ dâtņe meme âi membiap âmâ âgâ âgâņe

akto Anutuņe makmâ Hianġi Amboņe sârekoep hainâk agaņbopgât.

⁷ Dâ yâkņe wan me wan mendo luâk âmbâle Anutugât kâmolân bo dewatiyi yâkņe nâņgâmbiâ ârândâņ akbiâp. Yâkņe makmâ sârekombiâ Hianġi Amboņande biwiņe mem gâlikombo yâkgât hami komân âgâambo membomgât.

Biwigât âi meme luâk yengât den.

⁸ Bât tângo yâkņe gai hainâk giriņ hembalik bâlâk manbiâp. Ele omai olop bo manbei. Waiņ tu humoâk bo nembei. Puli sikungât bo makmâ tâgâiakbei.

⁹ Akto Kristogât keiņe yoņâk manmâ gaep are pâņân mem han kau kauân makyenġimbiâ mi-apņân miawakbiâp.

¹⁰ Gârâmâ ulikņân mem dop koyekbiâ agak memeyeņe ekbiâ huragumbo âmâ âlepņe bāt tângogât âi membei.

¹¹ Âmbenlupyene hainâgâk kâņgom manbei. Ele omai bo akbei. Han biwiyene damunņe akbiâ ârândâņ akbiâp. Akto wan me wan mem manbiâ âmâ bunņe miawakbiâp.

¹² Dâ bāt tângo luâk arekņe âmâ âmbâi konok olop manbiandat. Nan baratlupņe ginbailupņe damunyeņe âlepņe akto huraguwiâp.

¹³ Amâ hingât. Bât tângo are âiņe âlepņe membriâ âlepņe akto kin kin âlepņe kin yeņgiwiâp. Akto Yesu Kristo gâlân dewatim kinmâ âi mem heņgemgowai.

Anutugât âi memetaet keiņe.

¹⁴ Nâ gâņgâlân dowâk togowerâm nâņġân gârâmâ hanâk den ire kulemgogindân.

15 Siâ me siâne hiko nekto mandere kâlep akto Anutugât kâmot damun yeje akbiatgât keije pâpkowâtgât yu kulengoân. Akto Anutu manman Amboje yâkgât kâmot âmâ den bunje mem manmâ den bunjaet tân akto keije mandâi.

16 Humogât keije amâ nângâ nângâgât dop bo. Hin. Yâk luâk akmâ nengât hâk mem miawagep. Akto Heakjande yâkgât keije mem miawakto ârândâj agep. Anelone egi. Yuda luâk bo manmai yâk yengâlân arim makyengienne nângâyi. Makyengienne hânje hânje luâk âmbâle manmaine nânganji. Akto Anutuje yâk mendo pagalenân âgâm mandâp.

4

Hiangi dengât keije.

1 Anutugât Heakjande hin kârikjeâk makmâ miawagep. Beirâ luâk bikjande Kristogât keije hep-unmâ han gulipgât den sinduk baniarane makmai are nângâmbiâ humo akto watmâ lokowai.

2 Lokom âmâ hanyene hiangim manbaigât kâlâpne oepgât hin dâm makyengimai.

3 Âmbâi bo mem luâk sigan manmâ sot bikje bo nem aregât sapa meangim manbai. Sot are amâ luâk âmbâlene Kristo nânganmâ den bunje nângâmaenne mepaimne meanmâ nemaengât Anutuje kat nengiep.

4 Are amâ Anutuje wan me wan liulep are amâ âlepne dâmaen. Âlepne dâm mepaimne meanmâ bo hamianmâ panbaen.

⁵ Amâ Anutuņe ketuguep hârok amâ Anutugât denņande miapņân miawak yekto Anutu me-paimņe mem meakmâ mandenņe ârândâņ akbiâp.

⁶ Gâmâ Kristogât kâmot den are makyenġim âmâ Yesu Kristogât hoņ manman luâk den loko loko olop manbiat. Akto Yesu nânġaņmaenġât den pat akto Kristogât keiņe nânġâm gaen. Arekņe han biwigaet tân akġiņdo manben.

⁷ Dâ hânġe den yânņe makbiâ Anutuņe nânġâmbo bo ârândâņ akmap are bo nânġâyenġiwen. Amâ hâkâņe dâwen. Dâ Anutu nânġaņmâ manbenġât hangande owâiwen.

⁸ Aregât hâk nenņe owâiâkġât âi meme arekņe bunņe bo tân nengumap. Dâ han biwi mem owâim Kembu nânġaņmâ egâliā agaņmai âmâ bunņe. Arekņe hânân iren manmaen akto manmâ himbimân manbaenġât kârikņe nengiâk ġât tân nengumap.

⁹ Den are bunņe dondâ. Aregât luâk âmbâleņe are nânġâmbiâ humo agâkġât nânġân.

¹⁰ Akto areġât bunņe memegât âi humo memaen. Amâ Anutu manmanņe yâkġât nânġaņmâ mandenņe biwinenņe owâiņe akmap. Yâkņe âmâ luâk âmbâle hânņe hânņe manmai yâk yenġât heņġemgoyekbiapġât mandâp. Akto nenņe nânġaņmaen nen heņġemgo nenekmap. A Bundâk.

¹¹ Yu maktân ire hârok makmâ hekatyenġiwen.

Timoteogât âi memenġaet den.

¹² Galane, ġâ luâk sigan mandât areġât luâk bikņande ġânġât nânġâmbiâ bo gewiâp. Ġârâmâ han kalem olop Kristo nânġaņmâ den ârândâņâk

makmâ agak meme salek han kau olop memenâ agak meme âlepņe nâņgâm heņgemgoweı.

¹³ Nâ togowian aregât lâmgom manmâ âmâ Anu-tugât den kulemņe oyaņmenâ nâņgâwei. Akto aregât keiņe makmâ potatmâ yeņgim manben.

¹⁴ Ulikņân dâtņe meme luâkņe bâtyeņe gâņgâlân katmâ gâ wan akbiatgât makmâ hâregiņi are gulip akbopgât damunņe akben.

¹⁵ Gâ aregât nâņgâm hanoko akmâ âige mem manmenâ bunņe miawakto ekbiâ ârândâņ akbiâp.

¹⁶ Akto guge han biwige damunņe akmâ Kristogât keiņe makyeņgimat are ârândâņ târârâgâk damunņe kinben. Den are paņâk mem manben. Hain akbialân âmâ denge nâņgâmai yâk akto guge hârok manman âlepņân togowai.

5

Âmbâi kambut yeņgât den.

¹ Galane Timoteo, luâk sâmbâ siâņe wan me wan siâ mendo ârândâņ bo akto âmâ yeukņân maganmâ ewege agaņmat hainâk agaņmenâ agak meme âlepņeâk membiâp. Luâk sigan tân yeņguwerâm âmâ emige teuge akyeņgimat hainâk akyeņgiwen.

² Akto âmbâi sâmbâ tân yeņguwerâm memege agaņmat hainâk akyeņgiwen. Akto âmbâi sigan âkâ hainâk tâulupnerâm gugaet damun kinmâ luâk âmbâle dewunyeņân den siâ me siâ makyeņgiwen.

³ Akto âmbâi kambut ginbailupyeņe bo manmai are nâņgâ yeņgimenâ humo akto tânyeņguwen.

⁴ Dâ âmbâi kambut siâņe âmâ nanņe baratņe bâgilupņe manbai are bo tânyeņguwen. Nan barat

bâgilupņande âmâ Anutuņe makmâ hâreyeņgiep den are lokom âmâ luâk âmâi sâmbâ damun yeņe akbei. Hain akmâ umbuņân ewe meme yeņande tânyeņguyigât hâu kutigitbei. Are âmâ Anutuņe nâņgâmbo ârândâņ akbiap.

⁵ Dâ âmâle kambut ikiyeâk manmâ Anutu nâņgaņdo biwiņe owâiņe akto hândâk hilâm Anutu tân nuguâk dâm ulilaņmap.

⁶ Dâ âmâi kambut siâ hâkņe egâlianaņmap âmâ hâkņe golâ mandâp dâ biwiņe emelâk moep.

⁷ Den are makmâ kârigem makyeņgimenâ nâņgâm dosa bâlâk manbei.

⁸ Gârâmâ siâņe emi teu me meme ewe me gin-bailupņe bo tânyeņgumap arekņe Kristo nâņgaņep are hâkâņ akmâ âmâ luâk bikņande Kristo bo nâņgaņmai yâk yeņgât dosa ewangim akmap.

⁹ Âmâi kambut siâņe hombaņņe 60 akto âmâ luâk konok olop malep hainareâk kepilâm kotņe kulemgowen.

¹⁰ Akto wan me wan miep aregât keiņe mi-awagâkgât hin aikowen. Nanaņ meyekmâ âlepņe damun yeņe akmâ gaep me bo? Me lombo yâkgâlân togombiâ damun yeņe agep me bo? Kristogât kâmot me umburuk manmai tân yeņguep me bo? Me han kalem âi keiņe keiņe miep me bo? Keiyeņe hain ekmâ nâņgâm âmâ kotyeņe kulemgowen.

¹¹ Dâ âmâi kambut sigan amâ kotyeņe âmâ bo kulemgowen. Yâkņe makgiņbiâ borâwen. Hain are yâkņe manmâ âmâ Kristo nâņgâm hâkâņ agaņmâ âmâ luâk memberâm akmai.

¹² Hain akmâ âmâ ulikņân den makmâ hâreyi are gulip kombiâ dosa yeņe miawakbop.

13 Akto areâk bo. Âmbâi kambut sigan âi bâlâk manmaigât gulip milip akmâ konam manmai. Konam akmâ emet hârok âgâm den kâmbu mem den bo makmakņe are makyenġimai.

14 Aregât nâ hin maktân. Gasa nenņande nengât makto gewâengât âmbâi kambut sigan yâkņe luâk mem nananņ damun yeņe akmâ emet yeņân lâmgom tatbei.

15 Dâ emelâk âmbâi kambut sigan bikņe âmâ Hianġi Amboņaet dâp tâlim gulip aġi.

16 Akto Kristogât kâmotlupņande puli yân panbâigât kambut gupin bunņe areâk tânyenġuwaigât lâulupyenņe Yesu nânġanņmainņe tâuyeņe kambut are tângowei.

Yesugât kâmot yeņġât damunlupyenņe yeņġât den.

17-18 Anutugât kâmot damunlupyenņe yâk yeņġât hin makġiņdere nânġâ. Anutugât denņande hin dâep, “Gânġât bulimakaonņe seņgo bunņe tâlim hâkņe gagaiâkġât âi mendo âmâ gâņe bulimakaonņe sot nembop dâm launņe bo dâgâm gisapkowen.” Akto siâ hin, “Âi meņġiņmap luâk arekņe âi hâuņe mendo âmâ ârândânņ akmap.” Aregât Kristogât kâmot yeņġât luâk kautlupyenņe âi mem manmâ Kristogât keiņe makyenġimbiâ âmâ hâuņe yeņġim nânġâ yeņġimbiâ humo akbiâp.

19 Luâk konokņe damun siâ den âiân katberâmbo bo nânġanņben. Luâk lâuwâ me âlâwuņe makbiâ âmâ nânġâm heņgemgowen.

20 Dâ damunyeņe bikņande hanâk hanâk kau-tyenņe orem bâleņaet agak meme yeņe gangerâm mem manbiâ âmâ Kristogât kâmot yâk yeņġât

dewunyenân makmâ miwindikmenâ bikñande are ekmâ hamewakbai.

²¹ Nâ Anutu akto Yesu Kristo yâk yetgât dewunyetñân akto anelo bikñe Anutuñe potatyegep yâk yengât dewunyenân hin makmâ hâregindân. Den makgindân ire yaiwâk damun akmenâ bo gewiâp. Hain akmâ guge hangaet luâk âmbâle siâ me siâ ewangiak gowangiak bo akyenjiwen.

²² Akto gâñe Kristogât kâmot damunlupyene yâk yengât âi yeñe dowâk bo yengim bâtege kautyenân bo katben. Hain akmenâ âmâ yâk yengât dosañe gângâlân âgâwopgât. Guge han biwige akto hâkge damun akmenâ kau kau yembiâp.

²³ Gâ tepgân gigimapgât akto hâk hilâlâm manmatgât tuâk bo nemben. Wain tu are getek nemben.

²⁴ Luâk bikñe yâk yengât bâleñe aregât keñe nângâm dowâk heñgemgomaen. Dâ bikñe âmâ yâk yengât bâleñe tigâk yemapgât beirâ miawakmap.

²⁵ Aregât dop hainâk agak meme âlepñande âmâ tekteknân miawakmap. Dâ hain bo akmapgât tiwâk yem âgâwiapgât dop bo tatâp. Beirâ miawakmâ kinbiap.

6

Hoñ manman yengât den.

¹ Hoñ bawa hârokñe Anutugât kotñe akto den pat âlepñe bâliwopgât luâk kembulupyene yekmâ kângoyenjiwei.

² Dâ luâk kembulupyene Kristo nânganji âmâ yâk yengât hoñ bawalupyenande hin bo nângâwei, “Kembulupnennje Yesu nânganjiâ dop nennje konok agep aregât lauyene bo lokowaen.” hain

bo nângâwei. Bo. Luâk kembulupnenne Kristogât nânganbiâ han kalem akyenngimaengât hon bawa âi owâiâk akyenngienne ârândân akbiap. Hain dâwaigât gâ den are makmâ makyenngim mem kârikne ketugu yekben.

³ Dâ luâk siâne den are makmâ hilipkom den anngâ makmâ Kembu nenne Yesu Kristo yâkgât pat âlep den hâkân akmâ dennde hengen nengumap are hamianmap yâkgât hin nângâwaen.

⁴ Yâk âmâ ikinne nângâ nângâne mem agatmâ han gulip akmâ kâmotnenne potalaknet dâm hâre hâregât den are egâlianndo humo akmap. Akto den yânne magangi goangi aknet dâm egâlianmap. Hain arekne egâlian bâlene miawakmap. Akto luâk âmbâle biknde den are nângâm potalakmâ galagât hogo hogo hâk yenne tunmâ nângâ anngimbiâ gemap.

⁵ Akto gai luâk biknde han nângâ nângâ yenne bâlene higenne akto den bunne bâlâk manmâ nen Anutugât lau lokom mandenne puli sikum miawak nengiwiap dâm bembegât pat nângâmbiâ humo akto gulip manmai.

Hângât puli sikumgât den.

⁶ Akto puli sikumgât hin makbe. Anutugât nângâenne humo akto launne lokomaen âmâ bundâk hâk tângo peninengimbo horat korat bâlâk mem maniâm.

⁷ Âmâ hingât. Memelupnennde menenegiân âmâ hâk hololok miawagion. Akto manmâ mombaenân âmâ hainâk hâk hololok Humogâlân ariwaen.

⁸ Aregât sot akto hâk pekenenne ârândân tatnengimbo nângâenne ârândân akto maniâm.

⁹ Dâ bikñande puli sikum humo mem mannerâm manbai yâkñe egâlian bâleñaet lâm kâli kâliân gembîâ ewuyekbiap. Ewuyekto siâ me siâ yânñaet keñe egâlian bâleñe nânğambiâ arekñe katipyenğum mem bâliyekbiap.

¹⁰ Puli sikumgât egâlian gogâlian arekñe bâleñe hârokgât tânñe miawakmap. Aregât luâk bikñande puli sikumgât egâlianbiâ humo akto Kristogât den pat hâkân akmâ hepunmâ puli memberâm akmâ manbiâ âmâ hâk hilâlâm humoñe penâyengimap.

¹¹ Dâ gâmâ Anutugât luâk manmat aregât siâ me siâ hainare hamianben. Manman âlepñe egâlianmâ Anutugât lau lokom Kristo nânğanmâ han kalem kârikñe olop manman akberâm aregât kârikñe akben.

¹² Akto Kristogât keñe miawagâkgât bugâgât âi kârikñe mem manben. Akto ulikñân Kristogât kâmotlupñande makmâ hâreğinbiâ nânğâm luâk âmbâle dewunyenân magen den are lokom manman kârikñe pañâk memben.

¹³ Anutuñe siâ me siâ manman golâ yengimap yâkgât metenân akto Yesu Kristo kiap Pilatogâlân den kârikñe bunñe magep yâkgât metenân makmâ kârigeginđân.

¹⁴ Hin. Den kârikñe lokom manmenâ bikñande gekmâ gângât makbiâ gewopgât kârikñeâk kinmenâ Kembunenne Yesu Kristo togowiâp.

¹⁵ Aregât sopñe Anutu pagalenje Amboñe akto Kârikñe Amboñande makto miawakbiâp. Yâk âmâ luâk kembu yâk yengât Kembu humo. Akto agat agatñe yâk yengât kautyenje humo.

¹⁶ Yâk ikinjak ulikñân bak manmâ gaep akto momo bâlâk manmap. Akto pagalenje humo nen

bo arimaenân ain manmap. Yâk luâk siâne bo egep. Akto ekbaengât dâp bo tatâp. Yâk luâk hârokne kotne konmâ mem agatmâ denne lokombiâ yâkgât kot pat sambelem arimbo damunnenne akmâ âgâwiâp. A bundâk.

Luâk puli sikumdâ yengât den.

¹⁷ Luâk hângât puli sikum humo umalâk yeyengimap yâk makyengimenâ hâkyeje bo mem agatmâ siâ me siâ bâliwiap aregât nângâm imâ tân nengumbo manman nenne miawak nengiwiap dâm bo nângâwei. Dâ Anutuje unsambe humo nengimbo herone marone manmaen yâkgâlân nânganbiâ biwiyene humo akbiapgât makyengiwen.

¹⁸ Akto luâk sikumdâ hin makyengiwen. Han kalem akmâ agak meme âlepne mem siâ me siâ hâu bâlâkgât yengiwei.

¹⁹ Hain akmâ âmâ manman kârikne siân miawak yengiwiapgât keine katmâ manbei. Katmâ manmâ âmâ beirâ manman bunne membai.

Paulone Timoteo mem kârikne ketuguep.

²⁰ O galane Timoteo, gâ Kristogât keine makginjon aregât pat damun akmâ mem manben. Akto luâk siâne Anutugât pat hâkân akmâ nângâ nângâgât den hengemgone dâm magangi goangi akmâ hilip kombiâ bunne bo miawakto den are hâkâne dâwen.

²¹ Luâk hainare akmaine âmâ Kristogât keine nângâwerâm ewum hâuḅgomai. Anutugât han kalemne yengâlân yembiâp.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 28 Dec 2024 from source files dated 31 Aug 2023

03f82704-6ad1-5094-a78e-e240d9f2d4f8